

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第八二冊目次

雪堂先生詩選四卷 耻廬近集二卷

〔清〕熊文舉撰  
清初刻本

一

倚雲閣詩集一卷

〔清〕劉世燧撰  
清順治刻本

一八七

稊莊詩集十卷(存卷三至卷十)

〔清〕馬之瑛撰  
清刻本

二〇七

何求老人詩稿七卷 集外詩一卷

〔清〕呂留良撰  
清鈔本

二八五

松竇詩集二卷(存卷上)

〔清〕釋行起撰  
清乾隆刻本

三四七

泛梗集八卷

〔清〕吳之章撰  
清光緒六年文謙堂刻本

三七九

藥棲詞一卷

〔清〕鄭熙績撰  
清康熙刻名家詞鈔本

四九九

南山集十四卷 補遺三卷 年譜一卷

〔清〕戴名世撰  
民國七年刻本

五〇七

雪堂先生詩選四卷耻廬近集二卷

〔清〕熊文舉撰

清初刻本

首都圖書館藏

熊雲堂先生

詩集選

五言古八首

七言古四首

五言律三十二首

七言律十九首

七言絕二十一首

使秦集

五言古二首

七言古三首

五言律十首

詩日卷一

七言律二十二首

五言絕三首

七言絕二十三首

旅吟集

五言古五首

七言律十四首

七言絕十二首

雪堂先生詩選

門人吳允謙

昂紹善較閱

蜀遊集

五言古

牛頭山懷古

茲山占梓州烟靄懸牛角拾遺去幾朝滾滾青如昨

盤旋舞月松縹緲凌霄鶴異質襟標題神功費雕斲

鐘聲發翠微僧影

迢迢萬里人隱隱孤飛閣

欲諷杜陵詩今古同

蜀遊詩集

風格在杜陵

黃鶴樓懷古

一葉傲江流羣峰渺香漢危欄醉後凭孤懷空欲亂

風景異冥搜烟濤生遠玩黃鶴呼不回洲邊芳草沒

崔顥詩可省數十字

鸚鵡洲

蝸蟻各經營鳳皇翔千仞英雄生有為大地燔難盡

魏武慕周公其如驕且吝且莫慘漁陽蕭森風舞鬢

黃祖自難依高姿天不憖妻妾芳草春頰俊因之殉

漢水若爲流傷心聲可認問彼漳河人分香同一瞬  
佑敬鄴中歌可傳微帶習氣此則痛快而不失古意

草堂

流水自千春陰風寒爽肅漠漠霧籠烟尚遶唐時屋  
柴門夜月過野老櫻桃熟不見浣花翁題詩倚修竹

墨池

謂玄固難傳鬼亦憐愁劇想見嘔心時翩翩飛鳳集  
夜雨蜀天多橫覽子問奇人不來茜草欺苔石

謝太傅書不... 綠自發淡古先生草堂墨池二作絕無草處古人之意而得意正出古

蜀遊詩集

人之上

七言古

過范增墓

有一范增猶不用楚猴何事冰而冠鴻門玉斗雪飛  
碎龍蛇杯蕩劍光寒皤皤白髮委黃土夜占漢醜凭  
欄杆戲馬臺前無霸氣夢隨秦鹿走長安我欲爲公  
發長嘆一坏雖老有餘歡君不見隆準固稱大度者  
今年蘓彭而明年臨韓

長公論不到此○夜占漢醜凭欄杆說得老增知氣合石田鴻門宴觀之楚漢之間只有

一數

五言律

滄江

芳樹覆長堤蒹沙印馬蹄烟開山見面水落岸平臍  
小艇依鷗泛孤帆帶雁迷仙源知近遠此去武陵西  
此六朝律祖也恨不令升庵見之

新白沙驛

已覺天將盡還聞去子萬山圍小驛孤筇坐長宵  
識面雲欺幌關心雨子十年詣客路到此一魂消

蜀遊詩集

梁山

不放勞人倦崎嶇又此子馬蹄峰外落人影洞中懸  
石落苔書地泉飛練界天未須談羽化卽此已仙  
檢雋而不傷巧初唐張燕公有此警句

中秋對月

蜀棘開有桂樹數十株花時如奇雪

有約霜娥問無那旅恨侵雁猶憐隻影蛩亦戀寒吟  
坐久歌黃雪杯殘轉綠陰高樓休疊鼓騰踏隔年心

萬曆之季詩歸一書充塞天壤毀之者以淺爲深以近乎遠至以助語爲虛靈議者謂其賞毒于入似乎已甚然鮮不以國王之不飲爲任矣先是時方弱冠而卓然自名一家

不樂時趣到遊諸作高古渾厚如萬山園小  
驛馬蹄峰外落杯菱轉絲陰諧得更鮑之  
精微繼沈宋之風格何必今日始稱一代宗  
工乎

白馬關 漢麗士元從昭烈取蜀乘白馬被流矢  
于此又云落鳳坡

空勞噓漢談此地老英雄。百里才無敵。三分勢欲窮。  
臥龍鱗甲剪落鳳羽毛。豐向晚行人盡嚴關。吼朔風。  
結句似杜

讀楊中丞奏議焚弔

恣隙射酸風。寒燈照簡紅。銅肝推不裂。石骨瘦猶豐。  
生死懷中草。身家雨後蓬。未須磨古劍。青史映丹東。

蜀遊詩集 起句已自懷楚五六悲苦照目

再過牛頭山用杜韻

地迫藏烟古。蘿翳得歲深。荒亭孤曙景。野寺老秋陰。  
溜雨花披玉。吹霞樹拂金。杜陵詩版在。飄泊共傷心。  
張敏是盧駱用意一派

平羌江夜泛

唯有平羌月。長年送客舟。夜寒山色斂。朝霽水光流。  
夢覺虛無著。吟殘香不收。蕭蕭漁岸火。明滅旅人愁。  
句極清越而氣味渾厚遠水如斤遙山似  
正復不遠

馬湖江夜泛 武侯渡瀘  
正此地

又作孤舟客。蒼茫烟水濱。夜唼催去鳥。晚棹撥游鱗。  
烽火畱餘毒。村氓說舊貧。盈盈衣帶水。懷殺渡瀘人。

再到柳邊驛問柳

裏務紅全映。欺風綠恁酣。春孤天不耐。人瘦樹何堪。  
征馬方迢遞。栖鴉故兩三。章門青尚否。扳折淚難緘。  
五六題外想最是柳邊畫圖也

子美題詩處

偶爾畱餘墨。因之表路旁。放烟籠密竹。畱月臥垂楊。

流落愁心迥。崎嶇古道長。興懷人自遠。一葉水中央。  
雷月臥垂楊與柳自生枝同一別致入畫

荻港阻風

鎮日停無事。舟橫若待人。羣歸雲有族。獨臥月誰隣。  
詰曲愁天屈。蒼寒望地伸。蓬窗朝自啓。紅日上眉新。

固鎮

驅車將浴照。鞭拂在村西。古樹憑鴉館。蒼烟恣雁題。  
書懷千里絕。霸業一城低。好對他鄉酒。悟岡近葦萋。

望泰山

點。洋。涵。元。氣。鴻。濛。舊。物。存。孤。凝。天。自。遠。蕭。穆。地。偏。尊。  
日。月。生。餘。裔。華。尚。奉。衆。昆。千。秋。惟。魯。叟。一。笑。小。乾。坤。  
較老杜望嶽又開生面

過易水

感憤尋仇意當年太子丹雨餘青督亢風起白衣冠  
一劍龍魂奪三歌馬角寒漸離虛擊筑酒伴已先殘  
結不堪讀

七言律

望嶽麓山與衡山相對峙

蜀遊詩集

六

芙蓉明媚倚天裁對峙衡峰雁字迴蒼翠一簾風掃  
出玲瓏千疊日銜來浮湘不盡探奇興弔賈偏憐作  
賦才更有名賢供悵望當年誰葺道鄉臺道鄉臺宋  
人為鄒志完作

諸作皆先生秀才時手筆已開拓萬古推樹  
一世矣

永安宮為先王托  
孤之地

當年涕淚此宮牆想象孤城落日荒漢曲不堪秋草  
綠蜀江猶自晚雲黃三分嗣子知難輔十倍曹丕語  
故傷最是崎嶇相許意惠陵何獨負南陽

太白讀書山和曹平子韻相傳太白不得志於  
縣令讀書此山有大

醉西岩一  
局棋之句

春蘿秋尚落簷端浩玉潺潺舞雪瀾大醉放杯招月  
到高歌停局着雲殘幽棲自解還鄉易觸諱其如作  
吏難一自夜即踪跡杳無人指向此中看

着雲字奇

新都懷楊用修太史

崎嶇入蜀緩鳴鞭指點村墟出暮烟共惜夜郎供奉  
老重搜西蜀子雲玄一時黎閭無雙士千古嫗娘有

蜀遊詩集

七

二天我亦窮經慙脉望馬頭驅策為誰憐

典雅何減新都

過文與可學士故里

學士聲名起直廬秦黃張晁更雷餘詩情灑落晴雲  
上筆韻蕭森朗月疎箕谷老懷催棄襪湖州苦淚怕  
攤書停車指點風光在人代微茫啓嘆歎

梓州讀張來衮先生集公諱猗居禮垣風節凜  
凜首諫大禮被廷杖謫

戊陵門老焉後贈太常楊升菴議禮成漢亦  
贈太常升菴益公好友也

心悅思麟氣激昂振垣傳說舊封章一時漢殿風雷

胸十載。愛門。歲月荒。正骨不磨。旌繡檻。流徽長艷茂。  
青箱公代有。新都恰好同心在。千古相望。二太常。  
都非經生語

安綿聽雨懷家伯兄季子

幽窓深局自淒風。獨夜鄉心攬燭紅。歲月又看過。采  
艾心期終是恨。飄蓬虛憊皮骨。耽書盡長笑。鬢眉藉  
酒雄。夢斷彭城空有句。寂寥何但雨聲中。  
五六唾壺欲碎乃寒徹梅花時也

夜渡鐵山

蜀遊詩集

穹厓複道欲摩圍。夜靜如聞鐵馬嘶。地控神州風雨  
壯。山開奇險鬼神疑。艱難百戰英雄淚。典廢千秋俎  
豆祠。頭白老僧驚睡起。寺門燈火映琉璃。

懷郡伯彭觀民部

新栽桃李豔芳辰。略試東風已自春。剖璞可憐誰是  
玉。農桐偏惜汝為薪。奎躔漸映三台近。井絡遙占五  
夜親。夢遶龍光猶豪筆。裁眉天上寫精神。

風華燁然自非抱兔圖冊者

七夕題家報

歸人新發自蓉城。澹宕秋風過雨輕。夢醒幾番魂去  
住。愁來一夜事紛更。虛支病骨羞無謂。暗寫行期說  
未明。題罷欲書文乞巧。不知畱恨到平生。

入才調集可也

客舍感懷

金臺自昔控雄圖。未雨綢繆戒蓄租。漫學杜陵空嗜  
咏。還思諸葛授兵符。甘泉乍看烽烟逼。長遂曾吹塞  
草枯。頭白一宵驚起舞。全憑北斗望京都。

二

蜀遊詩集

嚴關一線薄漁陽。蹂躪誰教鐵騎狂。書角可憐催落  
日。長戈無限犯嚴霜。憂時又滴荆人淚。遣戍唯歌杜  
老章。便欲請纓天路遠。夢回彈劍倚扶桑。

徐州除夕

虛憊歲月易為遷。蜀楚吳徐路幾千。玉壘遠曾搜屐  
底。金臺高復落尊前。照人霜雪顏將改。致主雲霄夢  
久懸。不為詩逋勞酒炙。春風先濯筆花妍。

皆名人金碧山水無頭巾氣

送友人入蜀

東風軟綠挽詞驪一夜青門別意披春滿江頭尋濯  
錦客來天上為吹簾占星又勸才人駕聽雨應多蜀  
道詩我亦耽玄勞馬策孤雲荒渺動遐思

五言絕

題畫

十載畫蛾眉承恩無個貌不見漢明妃琵琶胡地老

又

萬里馬蹄中五更燈影外風物自滄桑斯心良不改

七言絕

蜀遊詩集

浣花溪

壁間見家伯父力牧十年前題詩悵然有感

今古文章屬大家杜陵原不恨天涯紗籠袖拂何勞

問驪使山靈護墨花

二

十年前事悵山河潭月溪花恨亦多賴是炎涼詩不

到春風依舊鳥來歌

長江乎賈浪仙

古貌昂藏瘦亦尊長江清絕老詩魂只今芳草離離

遍猶憶敲推月下門

紀將軍祠

當年不惜一身焚撐柱炎精益世勳盡為韓彭悲狡  
兔何人流淚向將軍

前人未發

廣寒驛

睡醒江干月尚圓獨留殘夢壓征鞍停鞭笑指前村  
踏風雨清虛逼廣寒

羅江道中

白馬關前惜鳳翎暮雲疎點數峰青行人怕聽羅江

蜀遊詩集

曲容易西風話鬢星鳳雛齋志于此

彰明縣懷李青蓮

讀書臺址併戴氏故宅遺蹟猶存

一從書劍客明時浩瀚千秋彩筆垂頭白此山偏有

怨春風長是草離離

二

讀書臺向古苔荒風雨淋漓字幾行莫謂廬陵編紀  
錯仙踪何地不為鄉

三

漫言飛燕字招尤委地笑容到底羞不惜名花酬彩

筆憐才天子自風流

四

馭風騎氣想遺顏宮錦遙占翠靄間知過昌明重回  
首夜深明月滿匡山

墨鱸亭

東坡曾於此註易有洗墨池

咫尺星辰手可捫雙義如畫雪畱痕却尋洗墨亭遺  
址猶有端明硯滴存

涪翁釣磯

疎烟澹染綠衰輕翹首乾坤夢不驚却笑嚴陵灘上

蜀遊詩集

客羊裘千古自畱名

過相如題橋處

環橋流水自潺潺倚醉題餘恨不刪何事炎涼蓋世

眼凌雲先已動紅顏

妙句爲長卿生色

文君井

蕭瑟天涯嘆倦遊銀床誰復認風流金莖不解文園  
渴忍聽淒淒怨白頭

戎州涪翁亭

驚人原不獨文章特峙凌霄骨更昂長使涪眉風味  
美江山分艷有蘇黃

讀平蠻碑懷劉將軍戰蹟

擒賊擒王蹟不磨飛將軍號古無多忠魂仗作西南  
聖又聽渝戎唱凱歌

時聞永寧之捷

燕子樓

斷粉零香不直春尚書衣履亦成塵傷心一段知難  
訴說與香山白舍人

題武穆祠

蜀遊詩集

那能痛飲到黃龍畫裏丹心映日紅二十四陵何處  
是冬青長是哭西風

二

稱臣稱任恨難灰古廟于今草木哀地下九哥知悔  
否蘭亭空自閉泉臺

三

唾手燕雲事竟虛中原氣運不畱餘撼軍那費些兒  
力談笑東窗一紙書

四

競滴椒漿薦墓田。可憐龍蛻冷冰天。孟婆那得船兒轉。依舊春風泣杜鵑。

孟嘗君養士處

招徠虛號客三千。况遜雞鳴狗盜賢。我憶故園陳仲舉。清風一榻至今懸。

一士誇誇說出孟嘗心死

灤河

馬頭殘月有餘輝。積裏寒光臥鐵衣。記得去年烽火急。灤河春盡幾人歸。

蜀遊詩集  
真唐人

荀香集

四言古

渡黃河四章

杳杳黃河天日溢。之悠悠行人忠信被之。

二

而彼遼風必湫慄。止君子來朝必恭敬止。

三

維其有章邦國賴之。維其有常履履綏之。

四

我馬調矣我徒飭矣。我行騁騁矣我心翼翼矣。

江上懷人

黯黯其懷烟空海濶。日出烟清我懷如昨。

二

故人書來迢迢一紙。紙有窮時思無竟緒。

三

我思非古我傷匪今。非古非今實勞我心。

四

之子遠行風波利涉。畏我友朋肅其舟楫。

五

維江有魚維林有馬。魚馬不來虛懷歲晏。

六

兼葭蒼蒼君子之鄉。匪君子之鄉行與子偕藏日歸。

日歸憂心孔傷。

漢魏四言終是漢魏人詩。若此數章字字生動而不失尺寸真風雅也。

五言古

壽春喜雨

人力若不兼天心。杳難測使君自憂民。稿稿縈懷結。解顏勸我農。乍起雲如墨。滂沱歸去來。尺寸天之澤。最有古意。

官舍對菊

天空四宇靜。官舍等虛舟。吏民念使君。飲水何所求。我愛傲霜花。依依歲晏幽。對之忽長歎。一鴈過南樓。題詩寄故山。東籬人健不。

一首九數轉非好奇也乃學古也

七月中元延僧識度寇傷諸亡魂痛哭悲歌因

有香詩集

一六

之記事

羨茲良月夜。秋靜百蟲哀。老僧集禪眉。風響妙高臺。村荒原野寂。草動有魂來。何以別俊頑。何以別髭鬚。凉凉此窶兒。踽踽彼遺孩。亦有忠義士。氣節凜崔嵬。香光同冉冉。空影佛燈開。鐘鼓報新秋。遼遼險夢回。悄然發長歎。如保實非材。

二

恨不習熊羆。桓桓而肅肅。虎翼薄天飛。喋膚而脆肉。桑麻化戟矛。絃歌易痛哭。慘澹一春風。飄揚雙淚目。

且勿動晨鍾。驚魂有餘情。圓明佛理微。鈔解知諸屢。但怪紙灰揚。山村歸去獨。哭罷月遺林。寒星零落木。

二詩乃先生極摹古人處。簿書勞苦。須臾或痺。至于薦于將士。推傷之微。詩尤奇。特真天才也。當世亦有如老杜讀次山春陵行者乎。

七言古

五過定遠俱以公務倥偬。郵壁有題。慨然步韻。秋風吹愁愁不舒。倉皇落日五驛車。檀車啾啾如有言。歎息為我欲躊躇。汝鄉彭澤骨如鍊。乞食忍饑無愧劣。潯陽江上望清風。蒼蒼五柳歎寒雪。八十日令

有香詩集

一七

拂衣慚四十。拙辱汝何堪。歸兮歸兮。江海澗龍沙之。上綠蓑巷。

五言律

鄒滕旅次有懷舒魯直同上公車

敗壁一燈龕。蕭瑟顧影三馬蹄。朝窳穴人語。夜誦誦酒為繁愁。貫詩從得伴。貪賒然思昨。西美在天南。早行

也近花磚影。風塵歎一塵。半芥。夜夢生遲。坐側燈紅綴。吟餘劍紫垂。絃歌誰。守樂爾待吾師。

途次感懷

今古勞王事。借借咏北山。一官違子職。千里戀親顏。獨往嫌孤鶴。清修起鈍頑。慎旃知有祝。遼瀾白雲間。

閔孫秋我寒詩

頗。慙。人。難。問。猶。矜。已。自。知。次。寥。天。地。窄。荒。忽。鬼神欺。不減香奩豔。難窮邃古悲。寂然諸慮肅。翻覆動遐思。

忠廟遠眺

自向塵鞅鎖。勞人不暫閒。偶然臨遠水。是處見寒山。寺塔馮煙起。漁燈審夜灣。十年霄漢意。親切斗牛閒。

荀香詩集

六

杜中有此警句。知先生未嘗一刻廢學也。

再書稅于亭

不解逢迎意。牽絲偶送人。小亭無別况。岐路每傷神。桑柘留風古。村墟托意醇。曠然思寄遠。之子在前津。

二

忽忽春陽至。悠悠遠道牽。好風催去憶。高雨下新田。雉狎人難古。鳧飛令不仙。偶來亭外想。流韻愧前賢。

三

此地無他產。生涯十畝間。農宜近詔。趨事得餘閒。

訟謀耕表廢。歌謠作息刪。一犁花外雨。勞吏有歡顏。

四

點點鄉思亂。飛鴉夕照中。戴星顏易頹。愛日夢難通。樹少千桃色。亭懷五柳風。願言秋氣好。沽酒賀年豐。

先生治澗文事。武備。泥人至今能言之。而備農諸作。尤見古風才調。

包城寺夜坐觀書有感

虛堂沈雨氣。良夜攬瑤篇。燭暗雙眸豁。香清百慮蠲。無僧參紫笏。有佛坐青蓮。鐘鼓何須動。塵寰悟已先。

攬從子遠人近文志喜

荀香詩集

六

見汝新文字。呼蝶氣格奇。研容驚虎繡。窓色有虹霓。望捷玄應勉。題書叔不癡。江城春動早。香到謝庭芝。

夜行見月

片片行人影。疎涼轉夏陰。路長虧月引。舟小識波深。永夜生遙想。高秋記舊吟。一聲煙外磬。淒斷宦遊心。

督鄉旅舍勅駐師蕭寺偶書

古寺當搖落。蕭騷迫晚秋。苦貧僧可耐。劇亂佛應愁。路遠迷征馬。時危講帶牛。書生思渤海。終夜攬吳鉤。

途中感事

去去長安路。韓麟半甲兵。青烽迷戰血。黃葉助軍聲。  
賊豈潢池老。師當瀚海平。千隊嚴斗極。裘帶一書生。  
黃葉助軍聲。新于軍敗鼓聲死。

出都門

江海生殘夢。巾車促遠人。虬松猶帶雪。鶯柳未勝春。  
霄漢慚叩友。瘡痍念爾民。御河明月在前路。已風塵。

季弟初度

何處尋黃菊。登高約授衣。如予官不調。似汝客先歸。  
學道慚簪祓。安貧尚蕨薇。老親憐季子。珍重荅春輝。

有香詩集

于

淮陰漂母祠

只合人稱漂。青衫裹布襦。小人知有母。一飯敢忘君。  
廟貌依淮水。香煙結漢雲。淮陰魂夜拜。痛哭日淒墳。

奇思勃勃

七言律

恭導禱雨

葱籠佳氣曉。煙香五夜宸。哀遍八荒。肅穆自浮圭。壁  
薦精誠還共苾。芬翔即看太乙添。新澤又喜含風納。  
近涼願續周仍雲。漢雅陋誰簪筆賦長揚。

稅于亭

亭在大東關外。往來送客。車馬接踵。舊為白衣巷廢址。余得新之。

蕭然殊不似風塵。半榻涼颺漸雨新。藉有閒心通梵  
唄。可無離恨遶車輪。桑田露湛千家曉。麥隴雲生一  
路春。長和農歌寬沈帶。春陵吾欲贈行人。

鎮懷樓從吳公讌卽事

飛甍千尺壯登臨。縹渺搏扶衆象森。陵谷百年餘王  
氣。河山一代見天心。携來綠醕澆曹弩。樹得青棠膜  
宓琴。不是從公多暇日。風塵何處話知音。

寄姜卿暨年兄追憶武關分較時事

有香詩集

三

幾行竹樹影蕭蕭。坐冷霜華夜漸遙。鄉夢乍驚鷓鴣吐  
月。雄談欲盡酒生潮。淮南風雨愁分手。直北雲霄笑  
折腰。戀別不禁鼙鼓急。掄材新得漢嫖姚。

大家數

查家度

忽忽傷心幾夕陽。偶驚彈指又星霜。荒煙盡處看沙  
白。野水流餘見稻黃。漸可一村成小築。居然三徑是  
柴桑。暫令巖邑無烽火。應許歸休問草堂。

時見歸思。倦秋者。圓非良吏